

TEZAUUR LITURGIC
25 NOIEMBRIE

ACATISTUL
SF. MARI
MUCENIȚE
ECATERINA



TBILISI, 2000



დაუჯდომელი საგალობელი წმიდისა დიდმოწამისა ეკატერინესი

კონდაკი 1

რჩეულსა და გვირგვინოსან ქალწულმოწამეს, სძალს ქრისტესას, ქებისა გალობათა აღვუვლენთ, ვითარცა უდიდებულესსა მტანჯველისა მძლეველსა და ყოვლადბრძენსა ფილოსოფოსთა დამმოდღვრელსა; შენ კი, დიდო მოწამეო ეკატერინე, ღმრთისა მიმართ კადნიერების მქონეო, წყალობითა მიიდრიკე კეთილკრძალულ თხოვათა მიმართ შენდამი მღალადებელთა: *გიხაროდენ, ეკატერინე, ყოვლადბრძენო სძალო ქრისტესო!*

იკოსი 1

ანგელოზთა სწორისა სიწმინდისა მქონებელო, წმინდაო ქალწულო ეკატერინე, ანგელოზთა ღმრთაებრივსა ნათელს მიემსგავსე რა, მათთანავე სამწმინდისა გალობისა მგალობელი, შეისმინე ჩვენი, ქუეყანასა ზედა შენდამი ესრეთ მხმობელთა:

გიხაროდენ, სიწმინდისა პატიოსანო სამკვიდრებელო;
გიხაროდენ, შენზედ აღსრულებული ღმრთაებრივი განზრახვის სასწაულებრივო მინიშნებაო;
გიხაროდენ, მამისა მოწყალებისა ჭურჭელო;

გიხაროდენ, ქრისტეს ვნებათა აღსრულებათ;
გიხაროდენ, სულიწმინდის წმინდა სავანეთ;
გიხაროდენ, კეთილკრძალული რწმენის შუქით
განათებულო;
გიხაროდენ, წმინდა ემბაზიდან შობილო;
გიხაროდენ, ქუეყანასა ზედა შესამოსლის კრავის
სისხლში განმბანელო;
გიხაროდენ, ცათა შინა წმინდა ქალწულთა თანა
მედღესასწაულეთ;
**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 2

ხედვიდა რა ეკატერინე ჩვენებასა ეგევითარსა, წმინდა
მამისა მიმართ ისწრაფვოდა, უწინარეს ამისა, მისთვის
ღმრთისმშობლის ხატის მბოძებელისა, მაუწყებელი,
თუ ვითარ გარემიიქცევდა პირსა თვისსა მისგან
თავის ყოვლადწმიდა დედასთან ერთად ჩვენებული
ქრისტე, ვითარ უწოდდა მას უგონოსა და გლახაკსა
და მდაბიოსა, უკეთუ არა დაუტევებს კერპთა
უწმინდურებასა. ღირსი კი, ამისა მსმენელი, რწმენისა
და ნათლობისა საიდუმლოთა ასწავებდა. ისიცა
განახლებულითა სულითა მადლობით უგალობდა
უფალს: *აღილოუია.*

იკოსი 2

გონებაი კეთილი, კეთილშობილებაი ჭეშმარიტი,
სიმდიდრეი უბრწნელი მოიხვეჭა სულიერსა
ხელახლადშობაში წმინდამან ეკატერინემ,
ღირსეულად წარსდგა რა ზეციური სიძის, ქრისტეს
წინაშე. მანცა, მისდამი ჩვენებულმან, შეიყვარა იგი და
ძღვანებულთა ბეჭდითა სძლად თვისად სახელსდვა.
იგი კი, ეგევითარისა ღმრთაებრივისა მოწყალებისა
შემცნობელი, მისი ამგვარი სიყვარულით
გულშეძრული, ქვეყნიურ ფიქრთა დაუტევებდა და
თავის სატრფოზე ზრახვიდა მოუკლებელად.

ეგევითარისა მადლისა მომღებელმან შეისმინე ჩვენი:

გიხაროდენ, სოფლიური სიმყრალის მომძულეებელო;

გიხაროდენ, სოფლიურ სიმყრალეში

ქრისტესმწთოლვარეო;

გიხაროდენ, უკვდავისა სიძისა კეთილად

შემყვარებელო;

გიხაროდენ, ღმრთაებრივისა მოწყალებისა საუნჯეო;

გიხაროდენ, დღეო ბრწყინვალეო;

გიხაროდენ, სავსე მთვარეო;

გიხაროდენ, ზეთისხილო ღმრთის სახლში

დანერგულო;

გიხაროდენ, კედარო ლიბანსა შინა ზრდილო;

გიხაროდენ, ეკატერინე, ყოვლადბრძენო სძალო ქრისტესო!

კონდაკი 3

ძალმან მალლისამან მისცა მაშინ წმიდა ეკატერინეს კადნიერებაი, უსჯულო მეფე მაქსიმიანეს, კერპებისადმი მსხვერპლის შემწირველის, უშიშრად მხილებისა და ისიცა, მრავალსა ჟამსა უტყვ იქმნა, ვერშემძლებელი წინააღდგომად სიტყვათა მისთა. იგი კი, ღმრთისადმი მადლობისა შემწირველი, უგალობდა მას: **ალილოუია.**

იკოსი 3

აქვნდა რა წმიდასა ეკატერინეს სიბრძნეი მალლით მოცემული, ოდეს უსჯულო მეფე, მის წინაშე წარდგომილსა, გვარსა და წოდებასა ჰკითხვიდა, თავსა თვისსა მეფისა ასულად აღუარებდა, ფილოსოფოსთა და რიტორთა მეცნიერებისა კეთილად შემსწავლელი სძლად ქრისტესად თავსა თვისსა სახელსდებდა, კერპისა მსახურებისა აშკარად უარისმყოფელი:

გიხაროდენ, ეკატერინე ყოვლადდიბულო;
გიხაროდენ, მეფობისა სიწმინდეო;
გიხაროდენ, ფუტკარო კერპთმსახურების კვამლისაგან

უკუქცეულო;
გიხაროდენ, მტრედო ოქროფრთოვანო;
გიხაროდენ, საკმეველო ქრისტეს
კეთილსულნელებისაო;
**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 4

მრისხანებისა ქარიშხალი დაატეხა მეფემ წმინდასა
ქალწულს, მხმობელმა მისდამი: ნუ ბოროტად
მოიხსენებ ღმერთთა ჩვენთა. წმინდა ეკატერინე კი
სიტყვას უგებდა: უკეთუ გნებავს განიფანტოს უკუნი
იგი ხიბლისაი შენთა სულიერთა თვალთაგან,
გულისხმაყავ ღმერთთა შენთა უკეთურებაი და შეიცან
ღმერთი ჭეშმარიტი, რამეთუ მხოლოდლა ხმობაი
სახელისა მისისაი, ანდა ჯვარი, ჰაერსა შინა
გამოსახული, განაგებს ღმერთთა შენთა და ღუპავს
მათ. და უკეთუ ინებებ, გამოგიჩინო შენ
ჭეშმარიტებაი, მგალობელმან
ღმრთისადმი: *აღილოუია.*

იკოსი 4

ესმა რა უკეთურსა მეფეს თამამი და ბრძნული
სიტყვისგებაი შენი სარწმუნოებაზედ ქრისტესი,
შიშნეულმან, რამეთუ არა იძლიოს შენგან, თავისი

ქვეყნის კიდით კიდითგან შეჰკრიბა ბრძენნი
პაექრობად, რიცხვით ორმეოცდაათი. შენ კი,
მთავარანგელოზ მიქაელისაგან განმტკიცებულმან და
გამარჯვებაში დარწმუნებულმან, განიხარე მათთან
პაექრობითა, მიიღე რა, ეგრეცა ჩვენგან ქებაი ესე:

გიხაროდენ, ქრისტეს გონებისა გამოჩინებაო;

გიხაროდენ, ქერუბიმთაებრ ღმრთის შემეცნებისა
მომხვეჭელო;

გიხაროდენ, ღმრთისა მიმართ სერაბიმთა მსგავსი
სიყვარულით მნთებარეო;

გიხაროდენ, ბრძენთა უფროისად განბრძნობილო;

გიხაროდენ, სულიერო მახვილო, ურწმუნოებასა ზედა
აღლესულო;

გიხაროდენ, უკეთურებისა განმდევნელო;

გიხაროდენ, მორწმუნეთა დამმოდღვრელო;

**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 5

ღმრთისამწთოლვარე ვარსკვლავს მიემსგავსა,
ეკატერინე, ორმეოცდაათი რიტორისა მძლეველი და
მათი ქრისტიანულ გზაზე დამყენებელი, რომელი
მიიყვანებს მზესთან სიმართლისა, ქალწულისაგან
აღმოცისკრებულ ქრისტე ღმერთთან, რომელნი
ბრძნულ სიტყვათა გამო განიკითხნენ ქრისტესათვის,

ვიდრე დაწვამდე. შენი ლოცვით გზადალოცვილნი,
ცეცხლში სიხარულით მიმავალნი, გალობასა
აღავლენდნენ: *აღილოთ*.

იკოსი 5

ხედვიდა რა შენს მიერ თავისი მეფური ნების
უგულებელყოფასა და შეგონებათა არად ჩაგდებას,
ემმაკობასა მიმართა ლიქნით ცდუნებისა, შენთვის
ნახევარი სამეფოს აღმთქმელმან. შენ კი,
სარწმუნოებისა მიწიერ საუნჯეთა უფროისად
გამომრჩეველმან და სიძისა ქრისტესა უფროისად
მიწიერისა სამეფოისა და მოწამეობრივი სამოსლისა
უფროისად ძოწეულისა შემყვარებელმან, უარყავ მისი
ფუჭმეტყველებაი. ამისთვისცა შედამი ქებისა
გალობასა აღვავლენთ:

გიხაროდენ, ქალწულო, ლიქნისა მამხილებელო;
გიხაროდენ, ენადაბორკილ გველისა დამთრგუნველო;
გიხაროდენ, ასულო მეფისაო;
გიხაროდენ, ქალწულო, ოქროისა სამოსლითა
შემოსილო,
გიხაროდენ, ყოველგვარ ნივთიერზე ამაღლებულო;
გიხაროდენ, ღმრთაებრივი გამოცხადების მთასა ზედა
აღმოწყაროებულო;
გიხაროდენ ღმრთაებრივი შემეცნების ნათლითა
განათლებულო;

გიხაროდენ საყვირო სულისაო, ჭეშმარიტი
ღმრთისმეტყველების ხმისა გამომცემელო,
გიხაროდენ სარწმუნოებისა კეთილად აღმსაარებელო;
გიხაროდენ სახარებისა ნათლისა ბრწყინვალებაო;
გიხაროდენ მარადიულ კანონთა მცველო;
გიხაროდენ ჩვენო შემწეო;
**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 6

მქადაგებელმა ღმერთშემოსილმა, მოციქულთადმი
მოშურნეობითა აღვსილმა, მტანჯველისა წინაშე
კადნიერად იქდაგე ქრისტე, ჭეშმარიტი ღმერთი,
მასვე უგალობდი რა ნაიარევი და დილეგსა შინა
მყოფი: **აღილოჟია.**

იკოსი 6

აღმობრწყინდა რა გულსა შინა შენსა, ჭეშმარიტისა
ღმერთშემეცნებისა ნათელი, გაჰფანტა ბნელი იგი
მწუხარებათაი, რამეთუ არა დაგიტევა სიყმილსა შინა,
გულიოსა მეოხებით შენთვის საკვებისა მომცემელმან,
შემდგომში სნეულებაზედ ურვით შეპყრობილი
დილეგსა შინა თავადვე გინახულა, განგაძლიერა რა
და გვირგვინი მრავალი აღგიტევა. შენ კი, უფრიოსად
განმტკიცდი, მტკიცე სულისა მქონებელო და

დედოფალი იგი ავგუსტა და მხედართმთავარი
პორფირი, მებრძოლეებითურთ შენდამი
მოლტოლვილი, ქრისტეს რწმენისა ნათლისაკენ
მოაქციე და ასწავე ესე გალობაი შენდამი:

გიხაროდენ, სოფლისათვის ღმრთაებრივი
სიყვარულის გამომაჩინებელო;

გიხაროდენ, ანდამატო მტკიცეო;

გიხაროდენ, ღვინოო გამოუთქმელთა სასწაულთაო;

გიხაროდენ, მტერისა მოთმინებით მომაკვდინებელო;

გიხაროდენ, უფლის იარათა საკუთარი სხეულით
მატარებელო;

გიხაროდენ, დედოფალ ავგუსტას მოწამეობრივ
ღვაწლს მიმთხვეულთა გზაზე დამყენებელო

გიხაროდენ, რამეთუ ბნელსა შინა გამოსჩნდი,
ვითარცა ნეთელი;

გიხაროდენ, რამეთუ თავად უფალმა, ნათელი იგი
სოფლისა დილეგსა შინა მყოფსა გამოგიბრწყინა;

გიხაროდენ, ცოდვის საკრველთაგან, მსწრაფლ
დამხსნელო;

გიხაროდენ, სნეულთ მსწრაფლ განმკურნელო;

გიხაროდენ, ჩვენისა ხსნისა შემწეო;

**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 7

ინება რა უსჯულო მეფემან, საძაგელსა
კერპთმსახურებასა შინა შენი ჩაგდებაი, ეგევითარსა
მახეს დაგიგებდა შენ ყოვლადბრძენო, რაითა ლიქნით
მოგინადიროს, შენი სილამაზის ხოტბის შემსხმელმან;
შენ კი სილამაზის დროებითად და სწრაფწარმავალად
სახელმდებელი, ქრისტესა, ვითარცა ცხოველსა და
ჭეშმერიტსა ღმერთსა აღუარებდი, მგალობელი
მისდამი: *აღილოუია.*

იკოსი 7

აშკარა სიშმაგე და არაადამიანურობა გამოაჩინა მეფემ,
უბრძანა რა ეპარქს ბორბლით დაგლეჯა შენი
ქალწულებრივი, უბიწო და წმიდა სხეულისა, მაგრამ
სასწაულებრივად ანგელოზის ხელით უვნებელად
განერინე რა, ბორბალი იგი, მანამადე ურწმუნოთა
ხელით მრავალთამომაკვდინებელი, ნაწილებად
დაიმსხვრა, ვიდრე უკვირდა თვით მეფესა და ერსა
წარდგომილსა, ესრეთ მხმობელსა: “დიდ არს ღმერთი
ქრისტიანეთა”, ჩვენ კი ამითა განკვირვებულნი,
გილაღადებთ შენ:

გიხაროდენ, მოწამეო, ანგელოზებრივად წმიდაო და
მარხულო;

გიხაროდენ, მოწამეთა ლეგიონის დიდებაო;

გიხაროდენ, მტრის ბრწყინვალე ძლევაო;
გიხაროდენ ძრწოლავ ურწმუნოთაო;
გიხაროდენ, ჭურჭელო, ღვთის ძალთა
განმამრავლებელო;
გიხაროდენ, მორწმუნეთა სიხარულო;
**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 8

უცნაურისა დიდების უარისყოფისა და დედოფლისა
და მხედართმთავრის, მებრძოლებითურთ,
ქრისტესთვის წამებისა მხედველნი, სოფლისა და
ხორცის სიყვარულსა განვეშოროთ და შევემცნოთ
უფალსა, რამეთუ იგი არს შუენიერებაი და დიდებაი
და გვირგვინი ჩვენი, მგალობელთა ესრეთ: **ალილოუია.**

იკოსი 8

ყოველი სიტკბოება, ყოველი სურვილი შენი, წმიდაო
ეკატერინე, იყო იესუ; სიტკბოებისა მისისათვის მწარე
ტანჯვანი დაითმინე რა და სკიპტრაი, შენთვის
შემოთავაზებული, უგულებელჰყავ მომავალისა
ჯილდოს მჭვრეტელმან. ჩვენგან კი შეიწირე საქებარი
გალობაი ესე:

გიხაროდენ, წმიდაო, წმიდათა უწმიდესისა
შემყვარებელო;

გიხაროდენ, გვრიტო, შუენიერისა სიძისაო, ვრცელი
სოფლის უდაბნოს შინა ნანატრო;

გიხაროდენ, რამეთუ ვითარცა არჩვი, მარადიულ
გორაკთა უწინარეს შობილს, არომატულ მთათა ეძიებ;

გიხაროდენ, მოწამეობრივი ღვაწლის ქრისტეს
სიყვარულისთვის მტვირთველო;

გიხაროდენ, მოწამისა სახით, ღმრთის წინაშე
წარდგომილო;

გიხაროდენ, რამეთუ ბრძენნი შენს მიერ ცათა
სასუფეველს მიემთხვიენ;

გიხაროდენ, რამეთუ ჩვენცა შენსა მიერ იმავეს
მიღებასა ვსასოებთ;

**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 9

ყოველმან ბუნებამან ანგელოზთამან განიხარა
სიხარულითა, ეკატერინე, გხედვიდა რა სოფლისა
მთავრის მძლეველად, ზეშთასოფლიურთა მიმართ
მოლტოლვილსა, ვითარცა ძლევა მოსილ
მხედართმთავარს, მოწამეთა ლეგიონის კვალდაკვალ
მავალს, და გამარჯვებისა საგალობლის აღმვლენელი,
ესრეთ ხმობდი: **აღილოუია.**

იკოსი 9

ზაგენი მრავლისმეტყველნი დადუმდნენ:
ვერშემძლებელნი წინააღდგომად ღვთივსულიერთა
სიტყვათა შენტა, ნიჭთა შენტა დუმილით
მადიდებელნი; ჩვენ კი, უძლურნი, ვითარ შემძლებელ
ვართ აღვალოთ პირი ჩვენი ქებად შენდა? თუმცაღა
კადნიერნი გვედრით, ღირს გვყვენ, მადლმოსილო,
არამწირვყოთ გალობაი ესე, შენდამი შეწირული:

გიხაროდენ, ორღანო სულისა წმიდისაო;
გიხაროდენ, გამოუთქმელისა ცისკრის ნათებაო;
გიხაროდენ, ღმრთაებრივ დოგმატთა მორევო;
გიხაროდენ, ხრიკო, ფილოსოფოსთა პაექრობაში
დამამარცხებელო;
გიხაროდენ, ფიალაო სიბრძნისაო;
გიხაროდენ, ბრძენთა ხლართის გამხსნელო;
გიხაროდენ, ცოდვის ხიბლთა დამარღვეველო;
*გიხაროდენ, ეკატერინე, ყოვლადბრძენო სძალო
ქრისტესო!*

კონდაკი 10

სულისა ხსნისა მსურველი, სხეულსა შენსა არად
აგდებდი, ეკატერინე, და მტანჯველისადმი ამის
მხმობელი, ხმლით თავისა წარსაკვეთად მხიარულად

წარემართე, ესრეთ მგალობელი წმიდისა უკვდავისა მიმართ: *აღილუია.*

იკოსი 10

ზღუდედ მტკიცედ და გარდაულახავად მოევლინე დედაკაცთა მათ, თავის წარკვეთის ადგილისაკენ შენთანა მავალთა და თავისა თვისისა მიმართ გულქვად და უგონოდ მოთქმით მხმოებელთა, რამეთუ არა დაინდე ცხოვრებაი შენი ტკბილი, გაფურჩქვნის ჟამს მყოფი, ვითარმედ მოიძულე შემოთავაზებული მიწიერი სამეფო და ნეტარება. შენვე აკრძალე უსარგებლო გოდებაი მათი და ფუჭმეტყველებაი, რამეთუ შენსა სატრფოსთან უსწრაფესსა შეერთებას ესწრაფვოდი სიკვდილითა, ამისთვისცა გასმენთ შენ:

გიხაროდენ, ბოლომდე დამთმენელო;

გიხაროდენ, ნაკადო კეთილად დაწრეტილო;

გიხაროდენ, რამეთუ ვერცა მწუხარებამ, ვერცა იარებმა, ვერცა მახვილმა, გზას ქრისტეს

აღმსაარებლობისა ვერ განგაშორა;

გიხაროდენ, კერიასა შინა სიყვარულის ცეცხლის ჩაუქრობლად შემნახველო;

გიხაროდენ, მოწამეთა შვენებაო;

გიხაროდენ, ქრისტიანთა მტკიცე სავანეო;

გიხაროდენ, ეკატერინე, ყოვლადბრძენო სძალო ქრისტესო!

კონდაკი 11

ქებისა გალობასა კადნიერად შემოგწირავთ, თუმცაღა მწირ იქმნების სიტყვაი ჩვენი და განკვირვებულ არს გონებაი ჩვენი, თუ ვითარ შემძლებელ ვართ ხმოზად; რამეთუ სიტყვაი შენი, ყოვლადბრძნული, მრავალთა უმეცრებისა და კერპთა უწმინდურებისაგან მომნადირებელი, აღგვაშენებს ჩვენ, გვიწყალობე ჩვენცა სიტყვაი შენი რაითა ვუგალობოთ ღმერთს, რომლისაგან დიდებულებაი მოგეფინების: *აღილოუია.*

იკოსი 11

სანთელო სინათლისა მომღებელო, მახვილისა წარკვეთით ჩამქრალო, მაგრამ ძეციურ სასანთლეზე წმიდა სამების საყდრის წინ მნთებარევ, წმიდა ანგელოზთა მხედველო, რომელნი ცხოველსა თავსა მოუდრეკენ და მეუფისაგან ბრძანებაი მოირღს სენი ქალწულებრივი სხეულის სინას მთაზე დაფლვისა, რაითა უხილაველეყოთ იგი, რამეთუ თავადვე ისურვე ესე, ღმრთის მტერტა გამო, ჩვენ კი, შენდამი გალობასა ამას აღვაგლენთ:

გიხაროდენ, მზისდარო ქალწულო, სულით ზეცაზე აღმოცისკრებულო;

გიხაროდენ, სიონის მთას მიმთხვეულო;

გიხაროდენ, გვირგვინო სიკეთისაო, უფლის ხელთა

მიერ პყრობილო;
გიხაროდენ, ღმრთის სახლის სისავსიდან, სიხარულის
მომღებელო;
გიხაროდენ, მარადიულ, ხელთუქმნელ კარავთან
მიახლებულო;
გიხაროდენ, სჯულის მთაზე სხეულით
განსვენებულო;
გიხაროდენ, რამეთუ იქ გამოგვიჩნდა ღმერთი
სინაისი, ღმერთი იაკობისი;
გიხაროდენ, მოსეს გამოცხადების ადგილისა
მპყრობელო;
გიხაროდენ, ილიას მოშურნეობისა მინიშნებაო;
გიხაროდენ, შეუწველ მაყვალთან წარდგომილო;
გიხაროდენ, ქალწულო, ქალწულ დედოფალთან
მოოქროვილი, ფერადოვანი სამოსით მიახლებულო;
გიხაროდენ, რამეთუ შენს მიერ იგალობების იგი
ქალწულთა შორის ბობღნით მგალობელთა;
გიხაროდენ, რამეთუ დიდადმშვენიერებაი მისი
მოგეფინების;
გიხაროდენ, მარადიულ საყდართან წარდგომილო;
გიხაროდენ, რამეთუ შენ გჭვრეტენ ყოველნი
მლოცველნი, მსოფლიო საყდარსა შეკრებილნი;
გიხაროდენ, საკმეველო, მაღლისადმი ჩვენზედ
ლოცვათა კეთილსურნელებისა აღმვლენელო;

გიხაროდენ, ეკატერინე, ყოვლადბრძენო სძალო ქრისტესო!

კონდაკი 12

ღმრთისა მიერ გებოძა შენ მაღლი წინამძღვრობისა, სანუკვარ საიდუმლოთა შინა მისი ჭეშმარიტების შესამეცნებლად, რაითა უწყალობო იგი ყოველთა, სარგებლისაებრ თხოვათა. ამისთვისცა ჩვენ, დაბნელებულნი, ღმობიერად გვედრით შენ, ბრძენო ქალწულო: განანათლენ გონიერნი თვალნი ჩვენნი და გაგვიკვალე ბილიკი ზეცად აღმავალი, რაითა ჩვენცა, აწ და საუკუნოდ შენთანა ვუგალობოთ ერთარსებასა ყოვლადბრძენსა: **აღილუია.**

იკოსი 12

შენს მძლავრ მოწამეობრივ ღვაწლთა მგალობელნი, გაქებთ შენ, ვითარცა ცხოველ ჭურჭელს კაცთა ხსნისა, რამეთუ შენითა გონებითა უფალმა საუკუნისა ამის ფრიად ბრძნობაი უბრძენესთაი განაქარვა, შენს მიერ უწოდდა რა მათ, ვითარცა წმიდად მეტყველთა, კაცთა განახლებულთა, მითვე ქრისტესათვის ვნებულთა, განგვანათლე ჩვენცა, დაბნელებულნი, ქალწულო სახიერო, მღალადებელნი შენდამი:

გიხაროდენ, ღმრთისა სიბრძნისა მჭვრეტელო;
გიხაროდენ, მაღლისა ძალით შემოსილო;
გიხაროდენ, მოღვაწეო, სიხარულის ზეთითა
პოხილო;

გიხაროდენ, მხედართმტავარო, ღმრთაებრივი
ლეგიონის მარადიულ დიდებულებასთან
მიმყვანებელო;

გიხაროდენ, წმინდანთა ნათელს მიახლებულო;
გიხაროდენ, მიუწვდომელ ნათელსა შინა მყოფის
წინაშე მხურვალისა მსახურისა სახით წარდგომილო;
გიხაროდენ, სამწმიდისა გალობისა გვირგვინის
საკუთარი ხმით განმაძლიერებელო;

გიხაროდენ, სიკეთის გამოუთქმელისა სიტჯბოების
დამგემოვნებელო;

გიხაროდენ, რამეთუ თავსა შენსა დიდებაი და
სიხარული მოიწია;

გიხაროდენ, რამეთუ მარადიული დიდებაი გმოსავს;

გიხაროდენ, სამსახოვან ღმერთის მიერ ცათა
სასუფევლის გვირგვინით შემკობილო;

გიხაროდენ, ჩვენო მაღლისა და დაუსრულებელი
დიდებისათვის შუამდგომელო;

**გიხაროდენ, ეკატერინე, ყოვლადბრძენო სძალო
ქრისტესო!**

კონდაკი 13

ჰოი, წმიდაო დიდმოწამე ეკატერინე! შეიწირე
საქებარი გალობაი ესე და გვიხსენ ჩვენ ხილულტა და
უხილავთა მტერთაგან და საუკუნო სატანჯველისაგან
შენი კეთილისმყოფელი შუამდგომლობით
დაგვიფარე, რაითა მარადის შენთანა ვუგალობდეთ
ღმერთსა: *აღილუია.*

*(ეს კონდაკი იკითხება 3-გზის: და კვლავ - იკოსი 1 და
კონდაკი 1)*

